

առ նոսա , խոտիւ պատուիրեալ՝ ճշդիւ քննել զպատճառ հրաժարման նորին , գիտել և խմանալ զյաջորդէն , թէ ո՞ր պիտի ոք իցէ , և թէ ունի՞ զձիրս առաջնոյն 'ի կառավարել զժողովուրդն : Կոչեցին Նախարարք զՊօղոս 'ի Գուռն ( 'ի 24 Հովտեմբերի ) , և նա ել 'ի ճանապարհ հետի . և իմացեալ նոցա հասուցին նմա 'ի ճանապարհի երիւար զարդարեալ , և նստուցեալ զնա տարան 'ի Գուռն , և 'ի հարցանել Նախարարաց զպատճառս հրաժարման իւրոյ , նա յառաջ երեր միայն զտկարութիւն անձին իւրոյ . նոքա բազմադիմի բանիւք թախանձէին և յորդորէին զնա չթողուլ զիշխանութիւնն զայն , յայտնապէս գոհանալով զխոհեմութենէ և զբարեոք կառավարութենէ , և զճանօթութենէ բարուց Արքայի , իսկ նա համեղ և արգահատական բանիւք յօժարեցոյց զսիրտս նոցա : Ապա հարցին զյաջորդէն նորին , և նա արար պատասխանի թէ՛ է մին 'ի ձեռնասուն աշակերտաց իմոց . եւ դարձաւ անտի չքով 'ի Պատրիարքարանն , և կազմեաց ատեան մեծ 'ի Մայր Եկեղեցին , և համակամ խորհրդով ընտրեցին յԱթոռ Պատրիարքութեան զԿարապետ Եպիսկոպոս Ամասիոյ , միաբան Երուսաղէմի և Նուիրակ Աժտէրխանու . և Պօղոս յետ ասելոյ զՊահպանիչն՝ կալեալ զձեռանէ նորին կացոյց յԱթոռն , ետ զգաւազանն 'ի ձեռս , ագոյց զմատանին 'ի մատն՝ և արկ զիլլունն 'ի թիկունս նորին՝ և շնորհաւորեալ մեկնեցաւ :

Եւ 'ի վաղիւ անդ ( 'ի 27 Հովտեմբերի ) զնաց Կարապետ 'ի Գուռն և զգեցաւ վերարկու պատուոյ ըստ սովորութեան , և մեծահանդէս փառօք դարձաւ յեկեղեցին : Իսկ Պօղոս Եպիսկոպոս կամօք Արքային և Ամիրայից զնացեալ նստաւ 'ի վանս Իւսկիւտարու :

Սեւերէկցի Պետրոս անուն ոմն Աբեղայ՝ խաբէյութեամբ ձեւացեալ Եպիսկոպոս ձեռնադրեալ էր զՉ Քահանայս յերզնկայ քաղաքի՝ խարտաՓիլիսիութեամբ յիմարեալ եւ թմբերեալ Առաջնորդի տեղւոյն , զոր լուեալ Կարապետ Պատրիարքի 'ի Կոստանդինուպօլիս եւ ստուգեալ 'ի հանդիսի քննութեան 'ի բերանոյ նորին խաբերայի՝ ելոյժ 'ի կարգէն՝ և ընդ բանիւ արարեալ սահմանեաց ապաշխարանս և արգել զնա 'ի վանս ինչ : Եւ յետ այնորիկ խորհրդով բարձրաստիճան եկեղեցականաց՝ գրեաց առ ամենայն